



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

356. An consensus Capituli in Coadjutoriam importet electionem veram
aut postulationem.

[urn:nbn:de:hbz:466:1-74203](#)

Questio 355. Num consensus quoque electorum seu habentium jus ad eligendum, necessarius sit ad concedendam Coadjutoriam perpetuam respectu beneficiorum electivorum?

R Espond. affirmativè. Wameſ. Iuris Pontif. conf. 16. n. 5. Simpliciter inquietus: nunquam substituisse videretur Coadjutoria; eò quod obtenta sit sine consensu Capituli, sine quo praecedente consensu eorum, quorum iurereſt, Coadjutoria obtineri non debet, & aliter obtenta sub- & obreptitia censetur; pro quo citat Oldrad. conf. 44. Idem habet Card. de Luca de Canon. & Capit. disc. 27. n. 4. ubi: *Papa desiderare solet non solum Coadjutum, sed & Capitulic consensum.* Et in annoz. ad Concil. Trid. d. 45. n. 10. ubi: *quod Pspm prudenter ad occurrentum aliquibus inconvenientibus Coadjutorem concedere non soleat sine consensu Capituli. Rationem quoque cur hic consensus adhiberi soleat hanc dat Cardin. de Luca cit. d. 53. de Regular. n. 14. ne alijs eis invisum, odiabilem vel male meritum praeficiat Successorem.*

2. Major verò hujus consensus requirendi in Germania est necessitas, ubi nec solent nec possunt illas ejus concordatis hæ Coadjutoria in electivis concedi sine consensu Capitulorum; adoque contingente vacatione Dignitatis electivæ quovis mensa lictum esse Capitularibus procedere ad electionem, non obstante titulo coadjutoriali tanquam nullo, nisi ad summum, si id fieri possit, in concessione illius derogatum expressè isti potestati eligendi vi Concordatorum relicta Capitulis. Remouch. cit. n. 13. & seq. Atque ita servari & servandum in Germania, ut non dentur per Papam nec admittantur Coadjutores in electivis, praterquam prævia elezione per Capitulum seu potius prævio consensu Capitularium, concurrente speciali placito & in induito pontificio cum cognitione cause. Remouch. cit. c. 5. n. 17. Ac proinde ibi non tenet id, quod ita absolute pronunciat Castropal. tract. 13. d. 1. p. 10. n. 4. ubi ait: *Clarum est, Cathedrales non posse assignatos à Papa Coadjutores non admittere. Hinc etiam licet Papa invito quandoque Coadjutor posset concedere Coadjutorem, de quo infra, absque eo, quod per hoc contraveniat Concordatis cuius enim solummodo jus Collatorum & Electorum præservare intendit, non ipsorum beneficiorum, quamquam etiam hi jus nullum habeant designandi sibi Successorem in beneficio, aut etiam impediens, ne hic aut ille designetur Successor post mortem* licet illas quoque Concordatis Papa ex paterna sollicitudine volens præverte imminentia Ecclesia pericula, Episcopum & Capitulares monere possit, quin &, ubi rationabiliter invit, astringere, ut Coadjutorem cum futura successione postulent; adhuc tamen Capitularibus inconsultis, aut non consentientibus dare vel obtrudere hunc vel illum Coadjutorem nequit, etiam Episcopo solo desiderante, quin per hoc claudantur Concordata. Par modo licet, ut sit Card. de Luca de Regular. d. 52. num. 14. concessio talis Coadjutoris dependeat à mera gratia Papæ, stetque penes illius solum arbitrium, Coadjutorem petrum concedere vel denegare, non tamen Coadjutorem non petrum dare, non est meri arbitrii Papæ, suppositis & stantibus Concordatis. Quamvis denique, ut recte Card. de Luca loc. cit. n. 15. absurdum sit, potestatem Papæ in concessione Coad-

jutorie omnimodam habere dependentiam à consensu Capitularium, absurdum tamen non est, vi antecedentis voluntatis sua in Concordatis inclusa, fine dicto consensu Pspm Coadjutorem concedere non posse; quod dependentiam propriè multoq; minus omnimodam non souat; sed potius, ut loquitur Remouch. cit. c. 5. n. 25. quod causa efficiens Coadjutoriarum respectu potestatis sit solis & principis littera Papa; respectu vero voluntatis seu legis directivæ causa sit Ordinarii & Capitula juxta Concordata, saltem per modum consensus: contra quod loquitur Card. de Luca cit. n. 14. desideratur consensus ille, noa quod is necessarius sit, neque quod Capitulum ipsum jus vel participationem habeat in ipsis gratia concessione. Nam etsi non participet de gratia hac, quatenus ea præcisè consistit in ipso beneplacito & induito Papa, in tantum tamen de ea dici potest participare, in quantum sine ejus consensu Papa illud beneplacitum non haberet; & licet jus non habeat designandi Coadjutorem, jus tamen habeat vi Concordatorum, ne in sibi in inconsulto aut non consentienti designetur.

3. Porro num contentus Capitulorum ut & Ordinavorum ita sit necessarius, quin Papa illis expressè derogando non possit independenter aëorum consensu reddere gratiam coadjutoralem omnino efficacem, dependet à celeberrima illa & decantata toties in Universitatibus questione, num nimur Papa tanquam ab solitus beneficiorum dominus possit ex plenitudine potestatis derogare Concordatis. Quod qui negant fecuti Rebuffum, quem favore regii Senatus Parisiensis pro Decanatu Andegavensi sic resolvisse testatur Remouch. cit. c. 5. n. 22. et portissimum ducunt ratione, quod Concordata rationem veri contractus & pactiorum utrimq; encroche continet, cui jure natura itare teneantur etiam summi Principes. Ad quod tamen quid responderi possit ac soleat, dictum à nobis satis in *Foro Beneficiali*. De cetero hanc controversiam hac distinctione temperandam centet Remouch. num. 23. nimur attendendum, num Papa derogaret ex vera, justa & rationabili causa; an verò gratia nullam, vel falsam continet causam; & in hoc secundo casu posse Ordinarios, contempta gratia jure suo uti centet; eò quod tunc Papa non tam deroger Concordatis quam ipsim ex aequitate & ratione, à cuius tamen dictamine non censetur ex quacumque plenitudine solitus deflectere.

Quest. 356. An dictus Capituli consensus importet veram electionem aut postulationem?

R Espond. ad primum: Tametsi ista præstatio coniensus vocati soleat elecio, ubi solenriter, & ad normam electionis veræ celebrata; referatque etiam speciem quandam electionis, de cuius forma bene vel male servata in Congregatione confistoriali persigil solent quæstiones, non est tamen vera & formalis elecio. Remouch. c. 10. n. 36. Card. de Luca ad Trid. d. 45. n. 10. ubi etiam, quod propterea de facilis sanari tolerant ista nullitates, quæ distracta juris censuā alias obstat solent. & de Regular. d. 53. n. 14. & expressius de Canonice. & Capital. d. 27. n. 4. ubi: *hujusmodi actus capitulares (intellige præstationes consensus, quamvis in forma electionis explicari solesint), atque juxta communem loquendi usum electiones dicantur; atramen in effectu simplicem consensum importare dicuntur & ac propterea sciendi solet*

solet ipsum solum factum, non curatis nullitatibus super non bene servata forma de juris sita & censura servanda; ut ita scilicet Papa certus reddatur, majorem partem Capituli, per quam illud totum dein representatur, Coadjutoris deputatione sensum præbere &c. Sive ut habet idem Card. n. 25. iuratio loc. cit. ad Trid. n. 10. ut quoquo modo per istiusmodi simplices actus capitulares certum se reddat de contentu Capitularium. Quin tamen, eti vicinius ad rationem electionis accedit, dum una ex pluribus personis per vota Capitularium absque eo, quod pravè à coadjuvando illis quis propositus sit, in Coadjutorem denominatur; quam dum solum præstant vel negant vota sua, seu consensum in unam personam certam per Praelatum coadjuvandum in Coadjutorem optatam seu petitam; siquidem in hoc posteriore casu prorsus deviat à natura electionis, utpote quæ manifestè importat delectum unius vel alterius rei, vel persona è duabus vel pluribus juxta e. in causis. & seqq. de Biebi. Veramamen adhuc est contra naturam & effectum electionis. Nam primò electio propriè dicta nihil sit aliud quām personæ idoneæ ad dignitatem vel munus aliquod vacans canonice facta vocatio; & sic electio ecclesiastica vera ac formalis facienda non nisi de Episcopo seu Praelato Ecclesiæ viduatæ. Card. de Luca de regular. d. 27. n. 25. cum communis; ut proinde electioni canonica nonnullam sit locus, nisi actu vacante dignitate per mortem civilem vel naturalem Prælati c. bona memoria. de elect. & c. abeuntibus. 35. dist. 13. in praesente autem nulla est vacationis figura aut species. Remouch. loc. cit. n. 41. Secundò electio propriè talis inititur iure, tribuitque electo etiam ante confirmationem jus ad Prelaturam & actionem, ut confirmetur, & per eam initiatur vinculum matrimonii spiritualis inter electum & Ecclesiam, præstatio vero illa consensus Coadjuti & Capitularium solù gratia, & beneplacito Papæ nituntur, nec ullum jus ex se conferant. Remouch. n. 42. & AA. passim. Præterea plurimas alias qualitates, quas electio ratione temporis, loci, formæ, personarum planè differentes habet ab illa præstatione consensu per suffragia. Unde jam, dum Capitula quædam in dicta consensu sui præstatione procedunt per modum formalis electionis cum scrupulis illis juris formalitatibus & subtilitatibus, praterque illius naturam & juris necessitatem, adeoque, ut loquitur Lotter. de re benef. l. 3. c. 17. n. 15. formam pinguis adimplent, id, inquam, faciunt, tum ut suum in eo negotio affectum & zelum testentur, atque magis celebrem reddant. Remouch. n. 43. tum ut private singulorum Capitularium intentiones odi declinandi causæ per scrutinium secretum celerint.

2. Resp. ad secundum, licet hæc consensus præstatio vicinitus postulationis, quām electionis naturam præ se ferre videatur, in quantum etiam hæc suo modo inititur gratia, & de se nullum jus tribuit ad Prelaturam; multum tamen etiam à postulatione illa propriè tali, de qua est titulus l. lib. 1. Decretal. differt. Nam neque postulationi illi locus est, nisi vacante actu Prelaturæ, utpote per quam à Capitularibus à Papa aliove petitur concedi gratiosè, & dispensativè in sponsum ecclesiæ viduatæ persona, quæ laborat impedimento Canonico, in quo dispensari potest ac solet. Ad hac per solam admissionem postulationis conferetur postulato jus plenum in beneficio;

P. Leuren. Tract. II. De Coadjut.

cum sapiat talis admissio electionem, & confirmationem. Lotter. loc. cit. n. 232. & 233. cum communis. Neque potest usquequaque rejici extra injuriam postulati & ipsius ecclesiæ. Lotter. loc. cit. n. 235. juxta c. penult. de postulat. & ibi Gl. v. nullum. & Abb. ibid. n. 2. Roman. conf. 330. fub n. 20. Adeoque, ut si postuletur ab inferiore (nempe qui confirmare habet, & tali impedimento dispense) is possit à Papa adiigi ad illam recipiendam. Lotter. n. 236. Holt. n. 12. Neque reputetur materia simpliciter gratiose, ut non magis dicatur justa & aqua, etiam dum ejus admissio sit à Papa, pontificum, si esset unanimiter celebrata. Lotter. n. 237. citans Butrium in cit. a. bona. n. 46. Ac denique eisdem fieri qualitates ad sui formam præscriptas à jure ratione loci, temporis, personarum habet, quæ electione, uti fùse hæc omnia videre est in meo Foro benef. p. 2. sect. 2. c. 1. ac proinde non jam in sensu canonico, sed non nisi abusivè, & in sensu omnino vulgari, quo dicimus postulare, & petere gratiam ab aliquo, hæc consensus præstatio facta per vota & oblate Papa dici poterit postulatio.

3. Ex quibus jam legitimè infertur, si consensus ille rationem nec electionis, nec postulationis rigorosæ ratione habeat, non curari nullitates ex juris subtilitatibus resultantes super non bene servata in dicta præstatione consensu forma alias de jure præscripta electioni & postulationi, similèq; nullistes facilis sanari juxta dicta respons. 1. ex Cardin. de Luca. Porro dict. ille 52. de Regular. est super causa Coadjutoris Abbatia Sigburgensis Archidiæcesis Colonensis, ubi in eligendo Coadjutore prætendebantur commissi defectus sequentes. Primo, quod quidam eligentium non fuissent constituti in sacris, adeoque incapaces ferendi votum in Capitulo. Secundo, quod actus ille capitolaris gestus non fuisset in Monasterio, in loco solito electionis. Tertiò, quod plures Capitularium, qui statuto die non comparuerant, ex postfactæ electione Coadjutoris adhaeruerant por actus singulares. Quos quidem prætensos defectus esti Cardinalis de Luca ostendat non nocuisse in istis circumstantiis, etiam stante necessitate servandi accurate formam illam rigorosam electionis: verumtamen accendo, se ista ad exuberantiam ac præter causa necessitatem deduxisse, cum non ageretur de confirmatione concedenda vel deneganda vera ac formalis electionis, quæ facta esset de Praelato Ecclesiæ viduatæ, & ad quem effectum de electione disputari solet in forma iudicij, ac per rigorosos tramites juris coram eo, ad quem confirmatione spectat, justitiam commutativam administrando; sed solum de Coadjutoris &c. Hinc inquam fatus ostendit idem Cardinalis, memoratos illos defectus posse ponи pro exemplo regulis, seu esse tales, qui in electione Coadjutoris non curandi, vel saltem de facili veniant sanandi, uti loc. cit. n. 18. id expressè magis de tertio illo defectu significat, dum ait: ex inde de plano resultabat responsio ad objectum circa vota singularia data per Monachos extra Capitulum, ac etiam circa alia data per non constitutos in sacris, ex quorum numeratione constabat, quod exceptis oppositoribus omnium aliorum consensus aderat; cum ita Papa certiorareretur de consensu, ad quem effectum attenduntur etiam vota extra Capitulum, quoniam aliud est vera electio seu actus capitularis solemnis ac jurisdictionalis, & aliud est consensus approbativus, ut magistraliter distinguit Innoc. in t. Genesi. de elect. in fin. &c.

M. 2

Quæs.